

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 105-2240/21 DžS  
Zenica, 17.02.2021. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-2238-1/21 DžS od 17.02.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## O D L U K U

### o poništenju postupka za nabavku lične i zaštitne opreme

I

Poništava se postupak javne nabavke roba za nabavku lične i zaštitne opreme iz razloga što dostavljene ponude nisu prihvatljive za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-542/21 BS od 22.01.2021. godine. Javna nabavka je provedena putem konkurentskog zahtjeva sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 10.000,00 KM.

Dana 25.01.2021. godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-27-3-21/21 objavljena je i tenderska dokumentacija.

Poziv za preuzimanje tenderske dokumentacije broj: 406-542-2/21 BS od 25.01.2021. godine upućen je sljedećim ponuđačima:

1. Inter - com d.o.o. Zenica
2. RM Company d.o.o. Zenica
3. Koteks d.o.o. Tešanj

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 15.02.2021. godine 13:14 sati.

Rok za dostavljanje ponuda je bio 10.02.2021. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. INTER – COM d.o.o. Zenica
2. MAX TRGOVINE d.o.o. Zenica

Komisija za nabavku je dana 17.02.2021. godine direktoru preduzeća dostavila Izvještaj o radu broj: 501-2239/21 DžS od 17.02.2021. godine i Preporuku o poništenju postupka broj: 501-2238-1/21 DžS od 17.02.2021. godine u postupku nabavke lične i zaštitne opreme.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 28 (dvadesetosam) ponuđača je preuzelo tendersku dokumentaciju sa Portala javnih nabavki.

Dana, 10.02.2021. godine u 12:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju konkurentskog zahtjeva broj: 406-542-1/21 BS od 22.01.2021. godine – Nabavka lične i zaštitne opreme, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena neprirodno niska.

Ponuđač INTER – COM d.o.o. Zenica je dostavio uzorke koji nisu plombirani, dostavio je izvještaje za stavke 1,4,5 i na istima ne stoji naziv ugovornog organa ili broj postupka. Osim toga, izvještaj je iz 2018.g. i rok važenja mu je istekao. Ponuđač je prepisao tražene karakteristike robe i na taj način sačinio kataloški list, tj. ponuđač nije dostavio originalni kataloški list. Iz gore navedenih razloga ponuda ponuđača INTER – COM d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač MAX TRGOVINE d.o.o. Zenica nije dostavio izvještaj za stavku 4 (kišna kabanica). Na dostavljenim izvještajima ne stoji naziv ugovornog organa ili broj postupka koji bi povezao izvještaj sa uzorkom. Iz gore navedenih razloga ponuda ponuđača MAX TRGOVINE d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila da nijedna ponuda nije prihvatljiva za ugovorni organ (član 68., stav (4), tačka (i) ZJN) te dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

#### **DOSTAVLJENO:**

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.postl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Služba sigurnosti, ZNR, ZOP i ZŽS
- 1 x Sekretar Komisije
- 3 x Članovima Komisije
- 1 x a/a



DIREKTOR

Pašalić Emir, dipl.ing.grad.